

身也

正黃旗滿洲忠烈傳

卷二



八旗通志初集卷之二百二十一

忠烈傳二

正黃旗滿洲官員

滿達理 子舒書

霸雅爾圖 子碩色

納蓋

張屯 子圖勃慎
羅托

額爾機根 子額爾璧
達蘭

顧山 瓦爾喀 子代松阿

蘇爾修 弟阿爾修 兄之子他克圖巴圖魯

瓦音布 弟艾音布 偏珠



奮達理

碩爾昆弟雅爾布

費揚柱

和圖孫積善

傅察 兄子疏拜

瓦顏住

費揚古

阿什譚 兄綏蘭 子魏赫德

特庫殷 兄馬寧阿

索寧巴圖魯 子霸圖

巴代

法特哈

滿丕

巴錫 父阿爾納

曹丹

葉陳

費赫齊

巴朗

傅岱

車圖納

泰星阿

傅達理

強健

邁圖

胡什屯

海世宜 孫觀音保

莊珥

懷色

特穆德格

阿海 覺羅喇達 甄特 七代

貴三

都敏 葛色 爾圖 布額 阿紐 德赫德 吳納海

季達理

戴牧 朱轍 能格 吳珠克圖

霍濟格里 額參特 色本 俄內 參特黑 諾岱

他爾海 岳巴 納 顏布 阿 雅哈 里 綽思 啟 古 祿 錫 胡 什 布

冷格 舒申 何溥 額勒 布 胡 什 布

薩冲阿 岳丹 騷達色 哲爾布 永順

阿林 吳山 沙納海 馬爾圖

布爾哈 那蘭泰 達色 尼雅漢 如寶

阿喇密 泰傳 見名臣 那木 俄福和 見名臣 譚泰傳

訥木僧格 爾濟傳 見名臣 多 阿哈丹 見名臣 滿達爾

鄂退 見名臣 馬福塔 泰璧善 見名臣 努山傳

覺和托 見名臣 陶岱 鄂立善

舒寧阿 見名臣 宜爾 祐紐

費揚古 見名臣 圖賴 喀西泰 見名臣 希爾根

阿福尼 見名臣 喀喇 松阿里 見名臣 鄂能傳

庫達禪 見名臣 瓜喇 穆魯 見名臣 舒里渾傳

察渾 見名臣 喀蘭圖 阿喇穆 見名臣 安珠瑚

那爾泰 見名臣 布恕 穆爾泰 見名臣 沙納哈

噶爾都 見名臣 嘉隆 賽弼圖 見名臣 闡褚傳

張保住 見名臣 疆玉 雍貴 見名臣 和碩退傳

滿達理。滿洲正黃旗人。姓納蘭氏。世居布顏舒
護魯地方。

國初。以牛录章京世職。從攻遼陽。力戰歿於陣。以

其子舒書襲。順治元年。隨大兵入山海關。擊流

賊有功。二年。議叙。加半個前程。七年。九年。三遇

恩詔。加至一等阿達哈哈番。十一年。從征廣東。擊偽安

西王李定國於新會縣之東山。敗之。又敗之於

山峪內。十三年。論功。加一拖沙喇哈番。

霸雅爾圖。滿洲正黃旗人。姓民覺羅氏。世居葉

赫方^地。初以戰功授備禦世職。天命六年。從大兵征明。克遼東。奪敵橋。論功加世職為遊擊。十一年正月。從大兵攻寧遠。陣亡。長子阿寨襲職。尋以罪免。遂以次子碩色承襲。順治元年。碩色從大兵平定淮安。有敵兵四萬拒戰。同梅勒章京希喇巴雅拉。率兵渡淮擊走之。復同阿藍察格爾圖。擊敗敵衆萬餘於鶯台山島。六年正月。從貝子吞齊。征甘州蘭州叛徇。敗其衆三萬。又敗黃羅山賊首魏天明兵千餘。賊忽四面大至。碩色以綠旗兵擊敗之。綠旗兵者。漢人兵也。是年。又從征山西叛鎮姜瓖。招撫四縣。進攻陽城。以雲梯克其城。論前後功。加世職為一等阿達哈哈番。七年。九年。遇。

恩詔。加至三等阿思哈尼哈番。

納蓋。滿洲正黃旗人。世居蘇完地方。姓瓜爾佳氏。初以備禦世職駐防千山。適段備禦率衆逃去。納蓋追及之。殺千總一人。逃者一人。旋聞敵犯葉克舒村堡。即往應援。殺敵四十人。天命十

年○隨大兵取旅順口○力攻邊城陣亡○加贈遊擊
世職○以其子古喇哈承襲○順治七年○九年○三次
恩詔○加至一等阿達哈哈番○兼一拖沙喇哈番○康熙二
年○追叙納蓋從征錦州松山福建等功○加古喇
哈世職為三等阿思哈尼哈番○

張屯○滿洲正黃旗人○姓馬佳氏○世居薩哈地方○
初任牛录章京○天聰元年○從征朝鮮○隨正白旗
纛章京阿爾津先行○遇敵○斬二人○擒一人○有包
衣牧屯四十人相率逃去○張屯同圖魯什順科

羅巴圖魯○追至西喇他喇地方○盡殲之○九年十
月○奉命賫書往喜峰等口○十一月還○擊明沿邊
哨卒○斬百餘人○擒一人○獲馬三匹○崇德二年○從
大兵征明○至涿州城南○擒敵哨卒一人○六年○從
鄭親王濟爾哈朗○圍錦州○至鄂新河○遣額爾克
圖○同正白旗邦紐○率兵一百翼之○過錦州○馳至
吉達口○斬敵五人○擒三十三人○七年○復圍錦州○
明松山步兵○犯阿賴庫魯克達爾漢固山汛地○
張屯同正紅旗季思哈往援○各據一壕拒戰○斬

八十三人。明軍門洪承疇援兵遁走。我兵掘壕困松山。張屯率本旗兵夜守壕塹。明總兵曹變蛟。撤乳峯山兵。棄寨下山夜遁。率馬步兵衝至張屯守處。數四俱擊敗之。論功授牛錄章京。世職。八年任工部副理事官。考滿稱職。加世職為三等甲喇章京。順治元年從征明。圍前屯衛。指揮攻城。中傷而歿。次子圖勒慎襲職。是年入山海關。破流賊。同甲喇章京唐古哈。敗其一隊。又從征山東陝西山西河南武昌九江等處。俱有軍功。加世職為二等甲喇章京。尋卒。以其兄羅託襲羅託者。張屯長子也。既襲弟職。遇七年九年

恩詔。加至三等阿思哈尼哈番。先是羅託從征江西。至

安福縣。敗賊五千於河岸。又敗之於徐嶺。十一年從征浙江舟山。同燾章京尼雅達。敗偽伯阮思等戰艦百餘於海上。又同梅勒章京柯永泰。敗賊三萬。尋追論前功。加世職為二等阿思哈尼哈番。

額爾機根。滿洲正黃旗人。初以軍功授備禦世職。天聰二年。從大兵克錦州城。加遊擊。三年。從征北京。至薊州。遇明兵力戰陣。八年。贈一等甲喇章京。兼半個前程。以其子額爾壁赫襲崇德元年。從征明寧遠。有城內兵出戰。額爾壁赫同蘇爾德擊破之。六年。從大兵圍錦州。擊杏山馬步兵。皆敗之。順治元年。定燕京。敗流賊於山海關。追奔至慶都。又追至延安府。並有功。賊兵夜犯吳格。嵩阿所守汛地。即同前鋒章京布爾孫往援。連破賊兵。三年。議叙。加半個前程。世職。達蘭。滿洲正黃旗人。天聰三年。從大兵征明攻永平。遵化城。先登克之。八年。授二分牛录章京。崇德元年。從征瓦爾喀部落。所獲甚衆。旋從大軍征朝鮮。率二十人。乘夜用雲梯襲南漢山城。奮勇前進。陣亡。二年。論平朝鮮功。達蘭由二分牛录章京。加贈全牛录章京。以其子達思桓襲。准再襲五次。

顧山。滿洲正黃旗人。姓哲爾德氏。世居烏喇地。

方○初任牛录章京。天聰三年。從大兵征明。過北
京。於大紅門步戰。登山自上而下。擊涿州援兵。
敗之。追殺甚衆。崇德元年。從和碩豫親王征朝
鮮。力戰歿於陣。二年。贈牛录章京世職。子傳達
理襲。順治七年。九年。三次。

恩詔。加至二等阿達哈哈番。

瓦爾喀。滿洲正黃旗人。姓薩克達氏。世居布爾
哈地方。天聰五年。隨大兵征太凌河陣。授拖
沙喇哈番。子代松阿襲。代松阿於康熙十三年。

以委署護軍校。從前鋒統領穆占。征逆藩吳三
桂。由陝西進兵。於娘娘廟槐樹驛小梅嶺等處。
擊賊。俱有戰功。及移師秦州。次夏邑。閔敗賊。得
五等賞。攻秦州城。第一前進。中傷五處。是時我
軍駐南山下。賊犯我營。代松阿同胡士塔擊敗
之。遂隨前鋒統領穆占。攻取秦州。十八年。隨平
南將軍賴塔。征福建海賊。敗偽帥劉國祥_軒兵八
千餘於郭塘。二十年。隨賴塔破賊。戰於石門坎。
黃草壩等處。並有功。事平議叙。加一拖沙喇哈

番。

蘇爾脩。滿洲正黃旗人。姓那穆都魯氏。世居瓦爾喀綏分地方。

國初率丁壯五十人來歸。從征烏喇中傷。天聰八年。授牛录章京。世職。九年卒。弟阿爾脩襲職。崇德三年。阿爾脩從睿王多爾袞兵征明。至山東濟南府。擊敗明兵。四年。叙功。加半個前程。是年。同曹海沙慕什哈。征撒哈連烏喇。陣亡。加世職。為三等甲喇章京。子阿庫理襲。順治七年。九年。

三遇

恩詔。加至一等阿達哈哈番。又一拖沙喇哈番。他克圖者。蘇爾脩兄之子也。崇德三年。以撥什庫從貝勒杜度。征明。至山東。攻濟南府。先登克之。

賜巴圖魯號。授二等甲喇章京。世職。

瓦音布。滿洲正黃旗人。崇德元年。從大兵征朝鮮。取義州城。以第二人登城克之。六年。從征明。隨內大臣宜爾登。往擊明軍。門洪承疇。兵執燾。陷陣。被傷身亡。卹贈半個前程。以其弟艾音布

承襲。初艾音布以順治元年隨睿王多爾袞入山海關。破流賊。二年隨豫親王多鐸平河南。至潼關。有流賊夜犯我營。同都思漢擊敗之。至江南。有偽帥朱永御等設營圍泰興縣。艾音布屢戰有功。六年從征江西。叛鎮金聲桓以紅衣礮攻南昌城。賊兵守西城者六次來犯。皆敗之。又率兵為殿。敗賊帥追兵。復同根特擊賊帥王得仁兵。敗之。又隨征南大將軍譚泰。以舟師敗金聲桓等馬步兵七萬。三月隨梅勒章京覺山破

偽哀國公於贛州。追擊連破之。七年九年三次恩詔。累加為三等阿達哈哈番。十四年從征福建。敗海賊江義於黃齊。並有勞績。十六年議叙。由所襲世職加二等阿達哈哈番。

偏珠。滿洲正黃旗人。崇德二年從貝勒杜度征明。至山東。攻夏津縣。繼沙塔布登城克之。四年授半個前程。順治二年駐防東昌府。擊土賊陣亡。四年卹贈拜他喇布勒哈番。以其兄渾珠襲。七年九年三次。

恩詔加至阿達哈哈番。

奮達禮。滿洲正黃旗人。初由撥什庫。崇德二年。隨喀凱塔克朱征瓦爾喀。奮達禮素識其地。因用為鄉導。有功。四年。隨曹海等征索倫博穆博和禮。力戰陣亡。

碩爾昆。滿洲正黃旗人。姓覺羅氏。世居葉赫。崇德三年。從貝勒岳託征明。攻無極縣。別用小梯攻之。力不勞而克。四年。叙功。授半個前程。世職。七年。隨大兵征明。圍錦州。城內忽出兵衝陣。碩

爾昆被傷而歿。以其弟雅爾布襲半個前程。順治元年。雅爾布隨睿王多爾袞入山海關。擊流賊有功。二年。加世職為牛錄章京。七年。九年。三遇

恩詔加至二等阿達哈哈番。

費揚柱。滿洲正黃旗人。世居寧古塔地方。以地為姓。崇德三年。從貝勒杜度征明。至山東。用雲梯攻東昌府夏津縣。以第二人登城克之。叙功。授為半個前程。順治初年。駐防東昌府。統兵勦

土賊中烏鎗卒。加授牛录章京世職。以其兄胡柱襲。

和圖。滿洲正黃旗人。姓圖色里氏。世居黑龍江之穆塔喀地方。崇德三年。從貝勒杜度。證明至山東。攻滕縣。陣亡。追授牛录章京世職。孫積善襲。康熙十六年。以委署叅領。隨副都統穆舒。征逆藩吳三桂。由陝西進四川。於保寧地方。九敗賊兵。旋以力戰陣亡。追贈拜他喇布勒哈番。以其兄之子嘉哈禪襲。

傅察。滿洲正黃旗人。姓鈕祜祿氏。世居吉林烏喇地方。崇德三年。從貝勒杜度。證明至山東。以雲梯攻滕縣。首先登城。後無繼者。遂戰歿。追贈牛录章京世職。以其兄之子疏拜襲。順治七年。

九年。三遇

恩詔。累加至二等阿達哈哈番。世襲罔替。康熙十四年。疏拜從征。叛鎮王輔臣於陝西舊縣關。敗偽總兵高定。蔡遠於閔山河。六月。隨定西大將軍董額圖。秦州有平涼賊兵萬餘來援。城內賊兵亦

齊出合戰。既拜隨大將軍連敗之。又擊敗賊衆於山巔。至羅門鎮。偽將軍王屏藩張禮率偽總兵十二員。兵二萬餘。列陣於山上。大將軍被圍。疏拜率本甲喇兵直犯其鋒。連敗賊兵。圍乃解。又敗偽總兵張興等馬步兵三千餘於北山。十六年。隨征南將軍穆占。往湖廣征逆藩吳三桂。十八年。擊賊於松滋縣。敗之。二十五年。叙功。加授世職。為一等阿達哈哈番。

瓦顏住。滿洲正黃旗人。姓寧古塔氏。世居胡爾

海地方。崇德三年。從貝勒杜度征明。至山東。攻夏津縣。以第二人登城克之。授半個前程。順治初。隨梅勒章京圖衍駐防東昌府。擊賊歿於陣。贈拜喇布勒哈番。

費揚古。滿洲正黃旗人。崇德七年。從征明錦州。

以八品官。

松山。北京。山東等處。八年。叙功。授半個前程。順治十一年。以八品官從征廣東。雷白縣。賊將馬雄董仲民王洪勛等來犯。費揚古率衆拒敵。力戰陣亡。叙功。贈拖沙喇哈番。

阿什譚。滿洲正黃旗人。姓馬嘉氏。世居莫旦地。方崇德七年。從大兵征明。圍錦州。我前鋒兵誘擊明松山敵兵。阿什譚同甲喇章京董阿賴。直衝其陣。八年。取前屯衛。我軍以紅衣礮擊其城。阿什譚於破缺處首先登城。被傷身死。順治元年。議卹。贈牛录章京世職。以其兄綏蘭襲。綏蘭從睿王多爾袞入山海關。擊流賊有功。又加一拖沙喇哈番。卒。子魏赫德襲父職。七年。九年。三遇。

恩詔。加為一等阿達哈哈番。尋從征湖南。於岔路口擊敗偽帥孫可望。敵復以步騎來援。魏赫德率本甲喇兵擊敗之。十二年。隨寧海大將軍宜爾德。征浙江舟山。破偽英毅伯阮思等。獲偽總制陳六御船。以功加一拖沙喇哈番。十五年。從征福建。於廈門擊敗海寇。康熙十四年。隨撫遠大將軍信郡王鄂扎。征察哈爾布爾尼。破其衆於大鹵地方。優加世職。為二等阿思哈尼哈番。特庫殷。滿洲正黃旗人。姓瓜爾佳氏。世居蘇完。

薩哈連烏喇木特海地方。崇德八年。從貝勒阿巴泰。征明。過北京。以雲梯攻新安縣。持庫殷。繼納哈達。以第二人登城。因後無繼者。遂歿於城上。尋議卹。贈牛录章京世職。以其兄馬寧阿襲。順治元年。馬寧阿隨睿王多爾袞入山海關。擊流寇。敗之。追至慶都縣。復大敗之。二年。加半個前程。七年。九年。三遇恩詔。加至一等阿達哈哈番。索寧巴圖魯。滿洲正黃旗人。姓塔他喇氏。其先

係察哈爾蒙古。從恩格德禮來歸。征撒哈連烏喇。擊敗奔波果兒兵。崇德八年。從貝勒阿巴泰。征明。至山東。攻萊蕪縣。首先登城。克之。

賜名巴圖魯。授牛录章京世職。順治七年。遇

恩詔。加一拖沙喇哈番。尋以圍大同。攻渾源州。中礮。身

亡。八年。卹贈三等阿達哈哈番。以其子霸圖襲。霸圖以康熙十七年。從征逆藩吳三桂於洞庭湖。擊偽帥杜輝巴養元。江義等。力戰陣亡。卹贈二等阿達哈哈番。以其子僧保襲。

巴代。滿洲正黃旗人。世居完顏地方。以地為姓。初管牛录章京事。順治元年。從大兵入關。追流寇有功。七年。從征大同。歿於陣。八年。卹贈拜他喇布勒哈番。子荊州承襲。

法特哈。滿洲正黃旗人。姓馬佳氏。順治初年。以七品官從征。入山海關。平定山東山西陝西河南。追流賊於武昌九江等處。並在行間有功。授半個前程。康熙十三年。從征逆藩耿精忠。至浙江。於台州小梁山擊賊陣亡。二十五年。追卹。授

拖沙喇哈番。以其子喀濟海襲。

滿丕。滿洲正黃旗人。姓覺羅氏。世居葉赫地方。初任牛录章京。順治六年。隨征西大將軍巽親王滿達海。征山西叛鎮姜瓖。至太原府。值賊將蔣都司引馬步兵二萬圍沁源縣。滿丕偕羅碩瓜喇擊敗之。十七年。從征福建海寇鄭成功。時成功自引兵十萬餘來犯洪義壩。滿丕率本旗兵步戰。連敗之。至海澄縣中礮陣亡。追授拖沙喇哈番。以其叔父之子吳納純襲。

巴錫。滿洲正黃旗人。姓傅察氏。世居納音江地方。父阿爾納。任工部員外郎。順治十三年。因造宮殿勤慎。工成議叙。授拖沙喇哈番。尋卒。巴錫襲父職。康熙十五年。從征逆藩吳三桂。至江西。十六年。在吉安府驛子山。與賊將韓大任、陳耀元等戰。被傷身死。議卹。加一拖沙喇哈番。以其子佟保襲。

曹丹。滿洲正黃旗人。順治十五年。以噶布什賢章京。從信郡王多尼。征偽桂王。敗偽侯李成蛟。等於貴州之涼水井。又連敗偽晉王李定國於雙河口。賊以兵一千。用繩繫頸。列陣死戰。復擊敗之。進雲南。奪鐵索橋。又敗之於磨盤山下。曹丹力戰受傷。十八年。議叙。授拖沙喇哈番。尋因傷發卒。加贈拜他喇布勒哈番。

葉陳。滿洲正黃旗人。姓索嘉氏。世居烏爾護地方。順治十五年。以擺牙喇章京。從信郡王多尼。往貴州。征偽桂王。敗偽侯李成蛟於涼水井。復敗偽晉王李定國於雙河口。追擊至盧喀地方。

並在事有功。十七年。從征東將軍李什哈。征山東賊于七呂思啟等。敗其衆三千餘於鋸齒崖南。康熙十三年。從征逆藩吳三桂。由陝西進征四川。賊伏千人於林中。使數百人。立紅幟於野狐嶺上。以誘官軍。葉陳隨前鋒。統領穆占擊敗之。又有伏兵二千出於林中。迎擊。仍敗之。復敗賊於陽平關。偽總兵石存禮等。率賊萬七千於朝天關險隘處。掘壕築城。立信礮於山下。連營三十餘。相拒。復隨穆占進擊敗之。又隨大兵擊賊將王屏藩。鄭蛟麟。吳之茂。何德成。等於蟠龍山。賊舟師繞出我後。四面雲集。葉陳力戰不能支。遂歿於陣。十六年。議卹。贈拜他喇布勒哈番。兼一拖沙喇哈番。以其子哈達襲。

費赫齊。滿洲正黃旗人。順治十五年。以牛录章京從征雲貴。敗偽侯李成蛟於涼水井。又敗偽晉王李定國於雙河口。並有功。十七年。從征山東土賊于七呂思啟等。戰於鋸齒崖。敗之。康熙十三年。從征逆藩吳三桂。由陝西進四川。賊設

伏於林中。又於野狐嶺豎紅旗誘戰。費赫齊隨前鋒統領穆占力戰。併其伏皆敗之。又敗陽平關賊萬餘於山頂。破其營柵。又隨前鋒統領穆占。敗賊將石存禮於朝天關。蟠龍山賊王屏藩等率衆四萬來戰。又有江中賊兵自右翼沉地。棄舟登岸。夾擊我軍。費赫齊奮擊敗之。又敗賊於小梅嶺。龍潭驛等地方。大兵至秦州。城內賊出犯我營。費赫齊力戰陣亡。十七年。議卹。贈拜他喇布勒哈番。兼一拖沙喇哈番。以其子賽柱

襲。巴朗。滿洲正黃旗人。順治十七年。以擺牙喇章京。從征山東。賊于七。呂思啟等。敗其衆三千於鋸齒崖。康熙十三年。從征逆藩吳三桂。由陝西進四川。賊伏千餘人於林中。別以賊三百餘。豎紅幟於野狐嶺誘戰。巴朗進擊敗之。復隨前鋒統領穆占等。敗賊於陽平關。賊將石存禮截斷隘口。連營三十餘於朝天關山下。巴朗隨穆占等進擊。克其關。賊將王屏藩等率四萬衆於蟠

龍山拒戰。又江中賊。從右翼汎地棄舟登岸。前
後夾擊我師。巴朗力戰陣亡。尋議卹。贈拜他喇
布勒哈番。

傅岱。滿洲正黃旗人。康熙十三年。以驍騎校。從
征逆藩吳三桂。至陝西。隨振武將軍佛尼勒。敗
賊於滴水涯。進次平涼。賊三千餘衆。斷路立寨。
復擊敗之。尋從征四川。賊將石存禮。黑邦俊。楊
天保。徐宗炳等。率獾獾七千。出棧道。益門鎮。立
七營於西山。傅岱隨大兵攻破之。又敗賊衆四

千於陽山池。又敗益門鎮賊兵於黃兒山。十七
年。從大兵至湖廣。吳逆賊將杜輝。巴養元。江義
等。率船二百隻。賊二萬衆。由洞庭湖至柳林嘴。
來犯。傅岱隨大兵。以舟師力戰陣亡。卹贈拖沙
喇哈番。

車圖納。滿洲正黃旗人。康熙十三年。以護軍校
從征逆藩吳三桂。由陝西進四川。賊設伏於林
中。以餘衆陣於野狐嶺。執紅纛以誘我。車圖納
隨前鋒統領穆占衝擊。大敗之。又戰於陽平關。

復破之。偽將軍石存禮等阻朝天關隘口。連營三十餘。設城壕。埋火藥。樹寨兩重。置滾木積石於其上。復隨穆占及西安將軍瓦爾喀等擊敗之。回至娘娘廟。偽將軍吳之茂率萬衆阻路。車圖納隨大兵連破之於張飛廟。又敗偽將軍王屏藩等於槐樹驛。及小梅嶺龍潭山等處。後戰於秦州南山。賊自四川來援。車圖納力戰不克。遂歿於陣。二十二年。追卹。加贈拜他喇布勒哈番。又一拖沙喇哈番。以其兄之子阿爾達襲。

泰星阿。滿洲正黃旗人。康熙十三年。以佐領從征逆藩吳三桂。由陝西進四川。賊將石存禮等據朝天關隘口。連立三十餘營。泰星阿從前鋒統領穆占等大兵進擊敗之。旋率兵五十人守梅嶺。賊衆大至。西路來攻。四戰四敗之。賊復攻梅嶺。斷我餉道。泰星阿力戰歿於陣。從優議卹。贈三等阿達哈哈番。

傅達理。滿洲正黃旗人。康熙十三年。以驍騎校從征逆藩吳三桂。由陝西進四川。至朝天關。隨

前鋒統領穆占。敗賊將石存禮。破其營三十餘。十四年。隨大兵由蟠龍山至娘娘廟。遇賊帥吳之茂拒戰。復敗之。又敗賊於張飛廟。擊賊帥王屏藩二萬衆於槐樹驛。敗之。師次小梅嶺。賊斷路立寨。仍急戰。敗之。又連敗賊于龍潭驛。西山。下斬獲甚衆。又敗吳之茂於秦州北山。王屏藩復率賊哨聚進戰。傳達禮力戰陣亡。尋議卹。贈拜他喇布勒哈番。強健。滿洲正黃旗人。姓鄂卓氏。世居撒哈連烏。

喇地方。康熙十三年。以親軍校駐防湖廣。有賊二千來犯。強健引兵擊却之。十五年。從征逆藩吳三桂。至岳州。偽帥吳應期高起龍馬寶等率衆七萬來戰。強健奮身突入賊陣。遂戰歿。尋議卹。贈拖沙喇哈番。以其子吳三泰襲。

邁圖。滿洲正黃旗人。姓瓜爾佳氏。世居蘇完地方。康熙十三年。以署駝騎校。從征逆藩耿精忠。隨定國將軍希爾根至江西南昌。總兵官楊富謀叛。邁圖隨將軍執之於省城。又隨希爾根及

平寇將軍哈爾哈齊等。敗偽都督易天錫於建昌府。易天錫自建昌趨援撫州。復擊敗之。又從希爾根敗賊於塘埠及宜黃縣。十四年四月。隨定遠平寇大將軍安親王岳樂。擊耿逆偽將軍卽連。登於長興地方。連破之。恢復建昌。乘勝攻克新城縣。並有功。隨副都統額赫納等駐守建昌。十二月。賊首李茂珠等帥賊萬餘。列陣於城南之鐘鼓山。欲攻城。邁圖隨額赫納等。率衆出城奮擊敗之。追殺數里。十五年九月。隨額赫納敗賊於芝坪。時邁圖以署叅領。領第一隊官兵前進。三敗賊軍於府城之北關。斬偽副將楊六。曾國珍。偽守備朱世龍。趙虎。錢松。夏椿。許大詔等。十七年。隨江寧將軍額楚進廣西。征逆藩吳三桂。敗偽將軍吳世琮於藤縣。二十年。隨征南大將軍賴塔。征逆孽吳世璠。兩敗賊於石門坎。進兵至雲南城下。與賊力戰陣亡。卹贈拖沙喇哈番。以其子花色襲。

胡什屯。滿洲正黃旗人。康熙十三年。以護軍校。

從征逆藩吳三桂。由陝西入四川。至朝天關。賊將石存禮連營阻險。以拒王師。胡什屯隨前鋒統領穆占擊敗之。師次蟠龍山。敗賊帥王屏藩。鄭蛟鱗。吳之茂。何德成等。直趨娘娘廟。我師先發。胡什屯為殿。賊衆大至。回兵與戰。被傷陣亡。十六年。叙卹。優贈。拜他喇布勒哈番。

海世宜。滿洲正黃旗人。姓白氏。世居朝鮮義州。康熙十三年。以委署護軍校。隨奉命大將軍康親王傑書。征逆藩耿精忠。至浙江。破賊帥王宗

仁於諸暨縣河所。又敗偽都督於義烏縣。又敗偽葉總兵於臨善村。又隨平南將軍賴塔。敗偽中軍李廷貴於衢州府北原口。連破其四連營。又敗偽林總兵於大溪灘。十五年。隨賴塔破海寇於小門山鎮風嶺等處。十七年。進擊偽總督興明伯趙得盛。偽將軍何猷等於太平山。破其十六營。併敗其柏木山來援賊衆。時賊勢甚盛。海世宜於四旗前鋒中第一前進。奮勇力戰。復追破賊於城下。十八年。福建泉州府被圍。隨賴

塔往援。賊阻洛陽橋。奪其橋。泉州之圍遂解。海世宜亦受傷陣亡。尋議卹。優贈拜他喇布勒哈番。以其孫觀音保襲。十八年。亦以從征福建海寇。至侯官縣戰歿。

莊珥。滿洲正黃旗人。康熙十四年。以委署護軍校。從征逆藩耿精忠。擊賊將劉秉仁等。敗之。十五年。從寧海將軍喇哈達。敗海寇王進。功於泉州兩橋間。十六年。又破偽提督吳淑於泉州江岫。十七年九月。隨副都統禪布等。敗海寇偽將

軍劉國軒於蜈蚣山下。十九年。從征南大將軍賴塔。征逆孽吳世璠。二十年正月。擊賊將何繼祖等於石門坎。敗之。三月。奪黃草壩。直抵雲南城下。並在行間有功。二十五年。議叙。授拖沙喇哈番。二十九年。從征厄魯特噶爾丹。於烏闌布通地方。擊賊陣亡。尋議卹。加贈為拜他喇布勒哈番。以其子衆神保襲。

懷色。滿洲正黃旗人。康熙十四年四月。從征逆藩耿精忠。至浙江。賊將周烈、桑明等。率二萬衆。

於衢州府焦園河岍拒敵。懷色先本旗兵前進。有功。賊將連登雲徐上朝等率衆五千據處州府。懷色隨副都統馬哈達擊敗之。賊於大溪灘設立木城。掘濠坎自固。懷色隨大兵擊破其城。十五年十一月。隨寧海將軍喇哈達。敗海賊徐耀於小門山。十六年二月。隨平南將軍賴塔。敗海賊偽總督趙得勝等於太平山。破其營二十六。又與賊兵戰於柏木山後。首先陷陣。被傷身。二十七年。議卹。贈拖沙喇哈番。以其子泰壽

襲。

特穆德格。滿洲正黃旗人。原係阿魯篤思哈爾濟農之族。

國初。同噶爾瑪葉爾登。率兄弟及部屬來歸。崇德七年。從大兵征明。圍錦州。執降明之蒙古。戮於城外。蒙古有訥木奇者。乘馬衝入睿親王多爾袞營。特穆德格迎而擒之。兩相抱持。被刺身死。順治四年。追贈拜他喇布勒哈番。同旗有阿海者。天聰三年。從大兵征明。攻遵化城。越衆先登。

陣亡。授其父阿拜備禦世職。又有覺羅喇達者。亦以天聰三年。從大兵征明。往北京。過薊州。步兵力戰。歿於陣。八年。卹贈牛录章京世職。又有甄特者。姓民覺羅氏。世居白山。後移居巴爾達地方。崇德五年。從征明。以火礮擊松山城。城堞俱毀。明守將金國鳳死守。會日暮罷攻。敵乘夜以繩繫木。覆土塞之。比明城固。我師進攻。先登者不能入。甄特挺身奮登。歿於城上。尋議卹贈牛录章京世職。又有屯代者。姓查庫塔氏。世居阿里村。順治十五年。隨信郡王多尼征偽桂王。十六年。至雲南騰越州。力戰陣亡。卹贈拖沙喇哈番。又有買圖者。姓納蘭氏。以啟心郎從征明。攻錦州陣亡。又有翟賽者。姓依爾佳氏。翟賽以攻秀巖城陣亡。贈牛录章京世職。

貴三。滿洲正黃旗人。世居烏喇地方。姓哲爾德氏。任牛录章京。

國初。從征索爾和陣亡。卹贈三等甲喇章京世職。同事有都敏者。姓民覺羅氏。世居董鄂地方。以

甲喇章京兼牛录章京。陣亡。贈備禦世職。同旗有巴雅爾圖者。姓覺羅氏。世居庫爾喀。渾春地方。初管牛录章京事。崇德二年。從征朝鮮。旋往皮島。率兩旗舟師。渡海與敵戰。因後隊兵退無援。獨率衆登岸力戰。遂亡於陣。贈遊擊世職。又有阿紐者。以牛录章京駐防寧古塔。因朝鮮叛。往征中烏鎗陣歿。有吳納海者。祖居察哈爾地方。任前鋒叅領。亦以征朝鮮陣亡。贈牛录章京世職。又有六十者。康熙二十九年。以護軍校從征厄爾特噶爾丹。時在烏闌布通力戰陣亡。尋卹贈拖沙喇哈番。有葛色者。亦以征噶爾丹陣亡。卹贈八品官。有格布額者。姓查庫塔氏。世居阿里村。以分得撥什庫從征。在烏札喇空古地方力戰陣亡。有德赫德者。任護軍校。亦以康熙二十九年。於烏闌布通地方戰歿。卹贈拖沙喇哈番。又有納能額者。任戶部員外郎。順治五年。奉差往歸化城。馬羣送米。回遇叛賊姜瓖。因被圍於左衛城內。戰歿。又有門岱者。任護軍叅領。

恩廕。

康熙二十九年。征噶爾丹。在烏闡布通陣。卹
贈拖沙喇哈番。又有南岱者。世居牙林西林地
方。康熙五十七年。以侍衛隨將軍額倫特。征準
噶爾。於阿拉烏蘇地方戰歿。有保福者。任驍騎
校。康熙五十九年。隨將軍延信。進招安藏。至當
尼地方卒。得七品。

季達理。滿洲正黃旗人。初任護軍校。順治十八
年。從安南將軍內大臣達素。征福建海寇。至厦
門。涉水逆戰。敗之。又登岸擊陸路賊。兵力戰陣
亡。贈拖沙喇哈番。同事有戴牧者。亦歿於陣。贈
拖沙喇哈番。同旗有朱轍者。順治六年。以分得
撥什庫。從征湖廣流賊。一隻虎。因進擊木城賊
兵。中火礮陣。亡。是年議卹。贈拖沙喇哈番。又有
能格者。姓何舍里氏。世居瓦爾吉和屯地方。順
治六年。以噶布什賢轄。隨英親王阿濟格。征大
同。叛鎮姜瓖。攻渾源州。先衆登城。戰歿。贈拖沙
喇哈番。又有吳珠克圖者。姓紀里氏。世居占尼

必拉地方。崇德八年。從貝勒阿巴泰。征明。至山東。以雲梯攻泗水縣。奮勇先登。後無繼者。遂破於城上。尋議卹。贈牛录章京世職。

霍濟格里。滿洲正黃旗人。康熙十九年。以護軍校。從征逆孽吳世璠。至雲南。力戰陣亡。二十二年。議卹。贈拜他喇布勒哈番。同旗有額參特者。康熙十三年。以叅領。從征逆藩耿精忠。至江西。擊賊於老虎口。負重傷。未幾歿。三十年。追贈拖沙喇哈番。又有色本者。姓魏。古特氏。其先居蒙

古察哈爾地方。康熙十三年。以護軍校。從征逆藩吳三桂。至湖廣。隨護軍統領額司泰。擊賊將陶繼志。等於宜都縣。以舟師破之於彝陵。賊將劉之復。廖盡忠等。率衆萬餘來犯。色本挺身奮擊。遂亡於陣。二十五年。議卹。贈拖沙喇哈番。又有參特黑者。康熙十四年。以三等侍衛。從貝子富喇塔。征逆藩耿精忠。至浙江。偽將軍曹養性。等率衆六萬。水陸並進。破黃巖。參特黑奮勇拒戰。被傷陣亡。二十五年。贈拖沙喇哈番。又有諾

岱者。世居蘇完地方。姓瓜爾佳氏。康熙十四年。以八品官從征叛鎮王輔臣。至平涼。去城八里。輔臣子王繼正率賊萬餘拒戰。諾岱擊之不克。戰歿於陣。二十五年議卹。贈拖沙喇哈番。又有覺羅達琳者。以委署叅領從征逆藩吳三桂。在江西螺子山陣亡。卹贈拖沙喇哈番。又有俄內者。姓瓜爾佳氏。世居蘇完地方。以屢在行間著有勞績。授遊擊世職。管甲喇章京。後以從征陣亡。准其世襲罔替。又有綽思啟者。姓魏古特氏。世居察哈爾地方。康熙十四年。以驍騎校從征叛鎮王輔臣於秦州。力戰陣亡。授拖沙喇哈番。他爾海。滿洲正黃旗人。任驍騎校。康熙十三年。從征逆藩吳三桂。至四川。將軍赫業。差送文書於他所。還至娘娘廟地方。適賊兵伏發。力戰陣亡。卹贈拜他喇布勒哈番。又有巴喀者。世居松阿里烏喇克布祿地方。任護軍校。康熙十三年。從征南將軍穆占。征逆藩吳三桂。至湖廣長沙府。力戰陣亡。同事有顏布者。任護軍校。亦以力

戰陣亡。又有雅哈里者。世居烏喇地方。任護軍校。康熙十三年。從順承郡王勒爾錦。征吳逆。至湖廣。攻岳州府城。中傷而卒。又有古祿錫者。世居蒙古他拉西拉穆蘭地方。姓巴樂特氏。康熙十三年。從征逆藩耿精忠。至福建。十七年。擊海寇於灣腰樹地方。戰歿。授拖沙喇哈番。又有岳納者。任駐防西安府驍騎校。康熙十三年。隨將軍瓦爾喀。征逆藩吳三桂。至四川。取朝天關。力戰歿於陣。又有薩郎阿者。姓胡思哈里氏。世居

誇爾察地方。康熙十三年。以七品官隨寧南靖寇大將軍順承郡王勒爾錦。征吳逆。至湖廣。永興陳亡。又有額勒布者。康熙十三年。以八品官隨征吳逆。至湖廣。長沙府。從副都統雅賴。與賊戰於新口。陣亡。贈拖沙喇哈番。又有胡什布者。世居牙郎色地方。康熙十六年。以前銜校。隨伯伊禮布。征吳逆。於湖廣。與賊將馬寶。胡國柱等。力戰。陣亡。贈拖沙喇哈番。

冷格。滿洲正黃旗人。姓鐸爾袞氏。世居愛濤和。

北地方累官至一等侍衛。雍正八年。隨西路兵進勦準噶爾。冷格為前哨捉生。至噶斯地方與賊遇。冷格力戰陣亡。議卹授世職拖沙喇哈番。以其子納齊額承襲。又同旗有舒申者。官郎中。雍正六年。派往軍前坐臺。賊來奪我臺站。舒申隻身搏戰。力不能支。陣亡。議卹亦授世職拖沙喇哈番。以其子達申承襲。

何溥。滿洲正黃旗人。姓何舍里氏。世居葉赫地方。父達瑞。見儒林傳。何溥少習舉子業。有文名。康熙六十年辛丑科。與兄何浩。中同榜進士。授刑部主事。雍正七年。

世宗憲皇帝命內大臣公傅爾丹為靖邊大將軍。揀選才能司員隨往。何溥與焉。九年。至和通胡爾漢諾爾地方。我兵轉戰連日。何溥奮不顧身。力戰歿於陣。議卹。

賜銀二百五十兩。授世職拖沙喇哈番。以其子嗣元承襲。

薩冲阿。滿洲正黃旗人。姓他塔喇氏。世居查庫

木地方累官至護軍叅領。雍正九年。隨靖邊大將軍內大臣公傳爾丹。由北路進勦準噶爾。與賊過於和通胡爾漢諾爾地方。薩冲阿力戰歿於陣。議卹授世職拖沙喇哈番。是役也。同旗有岳丹者。任護軍副叅領。騷達色者。任前鋒校。委署護軍叅領。哲爾布者。姓瓜爾佳氏。世居蘇完地方。任護軍校。永順者。姓額爾圖特氏。世居烏喇地方。任護軍校。亦並力戰陣亡。議卹各授一世職拖沙喇哈番。

阿林。滿洲正黃旗人。姓瓜爾佳氏。世居哈達地方。任前鋒校。雍正九年。靖邊大將軍內大臣公傳爾丹。率兵由北路進勦準噶爾。至和通胡爾漢諾爾地方。與賊戰。阿林同衆奮勇衝殺。歿於陣。議卹授世職拖沙喇哈番。以其子阿哈占承襲。是役也。同旗有吳山者。姓那喇氏。世居葉赫地方。亦任前鋒校。沙納海者。姓覺羅氏。馬爾圖者。姓瓜爾佳氏。並任驍騎校。俱力戰陣亡。議卹以吳山無嗣。沙納海。馬爾圖。各授一世職拖沙

喇哈番。

布爾哈。滿洲正黃旗人。姓伊爾根覺羅氏。世居寧古塔地方。累官至城守尉。雍正九年。隨副都統額爾琴。往勦準噶爾。十年。同將軍傅爾丹。與賊戰於烏孫珠兒地方。布爾哈力戰陣亡。議卹。賜銀七百兩。授世職。拖沙喇哈番。以其子金泰承襲。是

役也。同旗有那蘭泰者。姓李佳氏。世居薩木查地方。任護軍副叅領。達色者。亦姓李佳氏。世居奉天地方。任護軍校。委署叅領。尼雅漢者。姓薩

克達氏。世居社里地方。亦任護軍校。委署叅領。如寶者。姓伊爾根覺羅氏。世居都甕地方。夸色者。姓爾爾佳氏。世居蘇完地方。並任副護軍校。各奮勇擊賊。歿於陣云。





